

卷一百九十二



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百九十二
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太卜 汾祠 太公廟等署

太常卿 太樂署 太卜 太常寺 太常寺 太常寺 太常寺

太常卿 太常寺 太常寺 太常寺 太常寺 太常寺

太常卿 太常寺 太常寺 太常寺 太常寺 太常寺

太常卿 太常寺 太常寺 太常寺 太常寺 太常寺

太常卿 太常寺 太常寺 太常寺 太常寺 太常寺

[彩色首頁1](#)

[東洋文化研究所漢籍目錄 編號: B3510400](#)
[東洋文化研究所漢籍目錄所藏漢籍善本文影像資料庫 索書號: 貴重-17](#)
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)
 版權所有: [東京大學 東洋文化研究所](#)
[使用上的注意事項](#)

諸卿

卷一百九十二

杜氏通典卷第一百九十一終

杜氏通典卷第一百九十二

邊防八 西戎四

焉耆 于闐 疎勒 烏孫

姑墨 温宿 烏秣 難兜

大宛 莎車 罽賓 烏弋山離

條支 安息 大夏 大月氏

小月氏

焉耆

焉耆漢時通焉王理負渠城韻在白山之南七十里去長安七千二百里戶四千西南至都護理所四百里南去尉犁百里北與烏孫接東去交河城郡今九

白里西去龜茲九百里皆沙磧其國近海水多魚鹽
蒲葦之利四面有大山道險阨易守海水曲入四山
之內周匝其城三十餘里後漢明帝永平末有戶萬
五千與龜茲共攻沒都護陳睦至和帝永光六年都
護班超發諸國兵討之殺其王超乃立焉耆左侯元
孟爲王至安帝時西域背叛延光中超子勇爲西域
長史復討定之晉武帝太康中其王龍安遣子入侍
安夫人繪胡之子繪古姓身十二月剖脇生子曰會
立爲世子會少而勇傑安病篤謂會曰我嘗爲龜茲
王白山所辱汝能雪之乃吾子也及會立龍安滅白山
遂據其國遣子熙歸本國爲王會有膽氣善畧客遂霸

西域葱嶺以東莫不率服其俗丈夫剪髮婦人衣襦
著大袴婚姻同華夏其有弓刀甲稍死亡者皆焚而
後葬其服制滿七日則除之俗事天神氣候寒土田
良沃穀有稻粟菽麥畜有駝馬牛羊養蚕不以爲絲
唯取綿纈俗尚蒲萄酒兼愛音樂其後張駿遣沙州
刺史楊宣率衆經理西域宣以部將張植爲前鋒軍
次其國進屯鐵門未至十餘里熙又率衆先要之於
遮留谷植將至或曰漢祖畏於柏人岑彭死於彭亡
谷名遮留殆將有伏單騎嘗之果有伏發植擊敗之
進據尉犁熙降于宣吕光僭位熙遣子入侍至魏遣
成周公萬度歸討之其王尸鳩卑那衆大潰單騎走

入山中度歸進屠其城四部諸戎皆降服焉耆為國
斗絕一隅不亂日又獲其珍奇異玩殊方詭譎難名
之物橐駝馬牛雜畜巨萬至後周武帝保定四年其
王遣使獻名馬隋煬帝大業中其王龍突騎遣使貢
方物大唐貞觀六年正月又遣使貢方物今其王龍
姓即突騎之後盡并有漢時尉犁危須山國三國之
地并鄯善之北界矣

于闐

于闐漢時通焉都葱嶺之北二百餘里去長安九千
七百里戶二萬二千東北至都護理所三千九百里
南與婁婁接北與姑墨接東北去龜茲千四百里東

去鄯善千五百里西通皮山國四百里去東朱俱波

國千里西北至踈勒國千五百里其國之西水皆西

流注西海其東水東流注鹽澤即蒲國有阿耨達山據

漢書河源出焉名首梭河亦名樹梭河或云即黃河

水即葱嶺南河同入鹽澤或云風俗物產與龜茲畧

同後漢建武末沙車王賢強盛攻并于闐徙其主俞

林為驪歸王以沙車將軍居德為于闐王明帝永平

中居德死後于闐將休莫霸自立為王休莫霸死兄

子廣德立後遂滅沙車其國轉強盛從精絕西北至

踈勒十三國皆服從而鄯善王亦始強焉由是南道

自葱嶺以東唯此二國為大後漢魏後魏梁後周隋

大唐貞觀中並遣使通焉今王姓尉遲其國西五百里有比摩寺

俗云是老子化胡成佛之所初老子至此白日昇天與群胡辭訣言我暫遊天上尋當下生其後出天竺

國化為胡王太子自稱曰佛因立此寺焉其王錦帽金裝冠妻戴金花其

王髮不令人見俗云若見髮年必儉其地多水潦砂

石氣候溫土良沃宜稻麥多蒲萄有水出名曰玉河

國人善鑄銅器其居曰西山城有屋室市井祇疏與

中國同旅力果反王所居加以朱畫其人恭敬相見則跪

其跪一膝至地書則以木為筆札以玉為印國人得

書先戴於首而後開封自高昌以西諸國人多深目

高鼻唯此一國貌不甚胡頗類華夏自漢孝武帝至

今中國詔令書冊符節悉得傳以相付敬而存焉令

并有漢戎盧杆彌渠勒皮山精絕五國之地

踈勒

踈勒漢時通焉王理踈勒城去長安九千三百里戶

千五百都白山南百餘里東至都尉理所二千二百

里南有河西帶葱嶺亦名雪山在國西北百餘里河

所出東去龜茲千五百里西去撥汗國撥汗一千里名判汗

當大月氏大宛康居道南去莎車五六百里北去朱

俱波八九百里隋史云東北去突厥牙帳千餘里東南去瓜州四千六百里在于

闐國北千五百里土多稻粟蔗麥銅鐵綿錦雌黃後

漢明帝永平中龜茲王建攻殺踈勒王成自以龜茲

左候兜題為踈勒王漢遣班超劫縛兜題而立成之



兄子忠為踈勒王忠後叛反超擊斬之耿恭為戊巳校尉屯車師後王金蒲城為匈奴所攻恭引衆入踈勒城中乏水穿井十五丈不得水恭整衣服向井拜拔刀刺山飛泉湧出賊遂退安帝元初中踈勒王安國死舅臣盤立為王漸以強盛戶至二萬一千順帝末建二年遣使奉獻至靈帝建寧初為季父和得所殺自立為王其後連相殺害漢不能復禁至後魏孝文帝末貢獻隋煬帝大業中又通焉其王手足皆六指產子非六則不育王戴金獅子冠唐貞觀中朝貢今其國王姓裴并有漢時莎車捐毒休循三國之地侍子帝在京師北環經行記云拔汗那國在但邏斯南千里東隔山去踈勒二千餘里西去本國千里

餘里城有數十兵有數萬大唐天寶十年嫁和義公主於此國國中有波羅林林下有毬場又有野鼠遍滿山谷偏宜蒲萄醴羅果香棗桃李從此國至西海盡居土室衣羊皮疊布男子婦人皆著鞞婦人不飾鉛粉以青黛塗眼而已音諳

烏孫

烏孫漢時通焉大昆彌理赤谷城烏孫於西域諸戎其形最異今之胡

人青眼赤鬚髮狀類獼猴者本其種也其國謂王曰昆彌亦曰昆莫去長安八千九百

里戶十三萬東至都護理所千七百里西至康居蕃

內地五千里地莽平多雨寒山多松楸其心似松反不

田作種樹樹植也隨育畜逐水草與匈奴同俗國多馬

富人至四五千疋東與匈奴西北與康居西與大宛

南與城障諸國接本塞地也大月氏西破走塞王塞



王南越懸度大月氏居其地後烏孫昆莫擊破大月氏大月氏徙西臣大夏而烏孫昆莫居之昆莫昆彌皆王之號也故烏孫國有塞種大月氏種焉始張騫言烏孫本與大月氏共在燉煌間今烏孫強大可厚賂招令東居故地妻以公主以制匈奴武帝即位令騫費金幣往昆莫於是使獻馬願尚公主元封中遣江都王建女細君為公主以妻焉公主別理宮室而居歲時一再與昆莫會置酒飲食昆莫年老語言不通公主悲愁自作歌以述意天子聞而憐之昆莫死孫岑陬立岑陬者官號也名軍須靡公主死漢復以楚王戊之孫解憂為公主妻之岑陬死季父子翁歸



靡立號曰肥王復尚解憂公主宣帝初公主及昆彌翁歸靡上書言匈奴連歲侵擊欲發國中精兵自給人馬五萬騎盡力擊匈奴唯天子出兵以救本始三年漢發十五萬騎五將軍分道並出遣校尉常惠持節護烏孫兵昆彌將五萬騎從西方入至匈奴右谷蠡王庭谷音鹿獲首四萬級馬牛羊驢橐駝七十餘萬宣帝時都護鄭吉請分烏孫為大昆彌後段會宗為都護時烏孫兵圍驛騎上書願發城郭燉煌兵以自救丞相王商大將軍王鳳及百僚議數日不決上召陳湯問對曰臣以為此必無可憂夫胡兵五而當漢兵一何者兵刃朴鈍弓弩不利今聞頗得漢工然

猶三而當一又兵法曰客倍而主人半然後料敵今
烏孫人衆不足以勝會宗惟陛下勿憂且兵輕行五
十里重行三十里今會宗發城郭燉煌歷時而至所
謂報雙之兵非救急之用也烏合不能久攻不過五
日當有吉語聞者四日軍書至言已解會宗招還亡
畔安定歸靡死烏孫貴人共立岑陁子泥靡代爲昆
彌號狂王復尚解憂生一男烏靡王不與主和又暴惡
失衆漢使衛司魏和意副候任昌送子侍公主言狂王
爲烏孫所患苦易誅也遂謀置酒會罷使士拔劍旁
下狂王傷上馬馳去其子婿沈瘦會兵圍和意昌及
公主於赤谷城數月城中困急都護鄭吉發諸國兵
救之乃解去初肥王翁歸靡胡婦子烏就屠狂王傷
時驚與諸翎翕侯俱去居北山中揚言母家匈奴兵
來故衆歸之後遂襲殺王自爲昆彌宣帝詔立肥王
之子元貴靡爲大昆彌烏就屠爲小昆彌元貴靡後
孫雌栗彌立國亂段會宗立其季父伊秩靡爲大昆
彌哀帝元壽二年伊秩靡與匈奴單于烏珠留名橐
如牙斯呼韓
邦之並入朝漢以爲榮自烏孫分立兩昆彌後漢用
憂勞且無寧歲言或鎮撫之或
威制之故多事其後無聞至後魏時
亦朝貢其國數爲蠕蠕所侵西徙葱嶺

姑墨

姑墨漢時通焉王理南城去長安八千一百里戶三

千五百東至都護理所千里南至平闐馬行十五日
北界接烏孫出銅鐵雌黃東通龜茲六百里王莽時
其王承殺温宿王并其國至後魏時役屬龜茲

温宿

温宿漢時通焉王理温宿城今京兆府醴泉縣北有温宿嶺者本因漢

時温宿國人令居此守牧因名也去長安八千三百餘里戶二千二

百東至都護理所二千三百餘里西至尉頭三百里

北至烏孫赤谷六百餘里土地物類所有與鄯善諸

國同通姑墨東二百餘里至後魏時亦役屬龜茲

烏秣

烏秣上除加反漢時通焉王理烏秣城去長安萬里

戶五百東北至都護理所四千九百北與子合蒲犁

西與難兜接山居田石間有白草累石為室人接手

自高山下溪間中飲水故接連其手如猿飲出小步馬細也細步言其

能蹠足所謂百步跡有驢無牛西有懸度山石溪谷不通以繩索相引而渡去陽關五

千九百里去都護理所五千里其國後魏又通謂之

於摩國

難兜

難兜漢時通焉去長安萬二百里戶五千東北至都

護理所二千八百里西南至剽賓三百里南與婁耆

北與休屠西與大月氏接種五穀蒲萄菓有銀鐵銅

作兵與諸國同屬剽賓



大宛

大宛漢時通焉王理貴王山城去長安萬二千五百里戶萬東至都護理所四千里北至康居于闐城千五百里南至大月氏七百里北與康居南與大月氏接土地風氣物類人俗與大月氏安息同大宛左右以蒲萄爲酒富人藏酒至萬餘石久者至數十年不敗人嗜酒馬嗜苜蓿多善馬汗血其言先天馬子大宛國中有高山其上有馬不可得因取五色母始張騫馬置其下與集生駒皆汗血因號爲天馬子爲武帝言之帝遣使者持千金及金馬以請宛善馬死王以漢絕遠大兵不能至遂殺漢使於是大初元二年拜李廣利爲貳師將軍期至貳師取善馬率數萬人至其境攻郁城不下引還往來二歲至燉煌士卒存者十不過一二帝怒其不尅使遮王門不許入貳師因留屯燉煌又遣貳師率六萬人負私從者不與焉牛十萬馬三萬驢橐駝萬數天下騷然益發戍甲卒十八萬置居延休屠今武威張掖郡界以衛酒泉貳師至死宛人斬王母寡首獻焉漢軍取其善馬數十疋中馬以下牝牡三千疋而立宛貴人昧蔡爲王約歲獻馬二疋遂採蒲萄苜蓿種而歸貳師再行往返凡四歲自宛以西至安息雖頗異言然大同自相曉知也其人皆深目多髭鬚善賈其俗貴女人女子所言丈夫乃決正其地無絲漆不知鑄器及漢使亡卒降教

夫乃決正其地無絲漆不知鑄器及漢使亡卒降教

鑄作兵器

漢使至其國及亡卒降其國者皆教之

後漢明帝時宛又獻

汗血馬至後魏文成帝和平六年孝文大和三年並

遣使獻馬隋時蘇對沙那國即漢大宛也

宋膺異物志大宛馬

有肉角數寸或有解人語及知音舞與鼓節相應者

隋西域圖記云其馬騮馬烏馬多赤耳黃馬赤馬多

黑耳唯耳色別自餘毛色與常馬不異又云王姓蘇

色匿字底失繫陁積代承襲不絕按今王即底失繫

後之

沙車

沙車漢時通焉王理沙車城去長安九千九百里戶二千三百東北至都護理所四千七百里西去踈勒五百里西南至蒲犁七百里有鐵山出青王宣帝時沙車王呼屠徵殺漢使者約諸國叛漢會衛侯馮奉

世使大死以便宜發諸國兵擊殺之傳其首詣長安

諸國悉平威振西域奉世至大宛大宛聞其斬沙車

王敬之異於他使得其名馬象龍而還

馬形帝甚說似龍

下議封奉世少府蕭望之以奉世擅制發諸國兵雖

有功效不可以為後法即封奉世關內侯後奉使者

利以奉世為比爭遂發兵要功萬里之外為國家生

事於夷狄漸不可長不宜受封帝善其議以奉世為

光祿大夫元帝時奉世死後二年西域都護甘延壽

以誅郅支單于封為列侯於是杜欽上疏追訟奉

世前功曰前沙車王殺漢使者約諸國背叛而奉世

以便宜發兵誅沙車王冊定城郭功施邊境議者以

奉世奉使有指春秋之義亡遂事漢家之法有矯制
故不得侯今匈奴郵支單于殺漢使者亡保康居都
護延壽發城郭兵屯田吏士四萬餘人以誅斬之封
為列侯臣愚以為比罪則郵支薄量敵則莎車衆用
師則奉世寡制勝則奉世多於邊境居安慮危則延
壽為禍於國家深其違命而擅生事同延壽則割地
封而奉世獨不錄臣聞功同賞異則勞臣疑願下有
司議帝以先帝時不復錄後漢首悅論曰成其功義足封追錄前事可也春秋
之毀泉臺則惡之舍中軍則善之各由其宜也夫矯制之事先王之慎也不得已而行之若矯大而功小有罰可也矯小而功大有賞可也功過相敵如斯而已可也權其輕重而為制宜也至王莽時亂匈奴畧有西域唯莎車不附屬後漢光武建武

五年河西大將軍竇融乃承制立其王康為漢莎車
建功懷德王西域太尉五十五國皆屬焉康死弟賢
代立賢攻破拘彌西夜國皆殺其王而立其兄康兩
子為拘彌西夜王於是西域始通葱嶺以東諸國皆
屬賢諸國號賢為單于賢後攻殺龜茲王遂兼其國
焉塞王王自以國遠遂殺賢使者賢擊滅之立其國
貴人駟鞬為焉塞王鞬檢言反賢又自立其子則羅
為龜茲王其烏壘大死于閼婁墨子合等國悉被賢
攻易其王莎車相且運等且子餘患賢驕暴密謀反
城降于閼音于閼王廣德乃將諸國兵三萬人攻
莎車賢乃輕騎出廣德遂執賢殺之匈奴聞廣德滅

莎車遣兵將賢質子不居微立為莎車王章帝時長
史班超發諸國兵擊破之由是遂降漢班固論曰孝
武之代圖制匈奴患其兼從西國結黨南羗乃表河
西列四郡開玉門通西域以斷匈奴右臂隔絕南羗
月氏單于失援自是遠遁而幕南無王庭因文景玄
默養人五代天下殷富財力有餘士馬強盛故能睹
犀象瑇瑁則建珠崖七郡感鈞音響竹杖則開牂牁
越嶲聞天馬蒲萄則通大宛自是之後萬里相奉師
旅之費不可勝計至於用度不足乃擗酒酤筦鹽鐵
白金皮幣筭至車船租及六畜人力屈財貨竭屈其物反
因之以凶年羣盜並起至於末年遂棄輪臺之地而

下哀痛之詔豈非聖人之所悔哉且西域近有龍堆

遠則葱嶺身執頭痛懸度之阨淮南杜欽楊雄之論

皆以為此天地所以界別區域絕外內也書云西戎

即序禹貢之辭禹就而序之非上威服致其貢物也

西域諸國各有君長兵衆分弱無所統一雖屬匈奴

不相親附匈奴能得其馬畜旃罽而不能統率與之

進退與漢隔絕道里又遠得之不為益棄之不為損

盛德在我無取於彼故自建武以來西域思漢盛德

咸樂內屬唯其小邑鄯善車師界迫匈奴尚為所拘

而其大國莎車于闐之屬數遣使質願請都護聖

人遠鑑古今因時之宜羈縻不絕辭而未許雖大禹

之序西戎周公之讓白雉太宗之却獻馬義兼之矣亦何以尚茲

蜀賓

蜀賓在懸度山西漢時通焉王理循鮮城去長安萬二千二百里不屬都護戶口勝兵多大國也東北至都護理所六千八百里東至烏托國二千二百里東北至難兜國九日行西北與大月氏西南與烏弋山離接昔匈奴破大月氏大月氏西居大夏而塞王南居蜀賓塞種分散往往為數國自踈勒以西北休屠損毒之屬皆故塞種也顏師古曰即釋種也蜀賓地平溫和有首宿雜草奇木檀檉梓竹漆檉音檉槐之種五穀補類葉大而黑

蜀諸菓糞理園田地下濕生稻冬食生菜其民巧雕

文刻鏤理宮室織蜀刺文繡好理食有金銀銅錫以

為器市列市有肆如中國金銀為錢文為騎馬幕為人面錢文

面今所呼幕皮謂其平而無文也出犂牛象大狗沐猴

孔雀犂牛頂上高起大狗如驢赤色珠璣珊瑚琥珀璧琉璃琉璃青

魏畧云大秦國出赤白黑黃青綠縹緋紅紫十種琉璃孟康言青色不傳通也此自然之物彩澤光潤踰

於衆玉其色不常今俗所用皆銷冶石汁以他畜與

諸國同自漢武帝以絕遠兵不至雖遣使貢獻屢殺

漢使至成帝時又遣使者奉獻漢欲遣使者報送其

使杜欽說大將軍王鳳曰凡中國所為通厚蠻夷因

快其求者為壤比而為寇也比近也為其土壤接近能為寇也因若煩反



今懸度之阨非劉賓所能越也其嚮慕不足以安西域雖不附不能危城障城障總謂西域諸國也今遣使皆行賈

賤人欲通貨市買以朝獻為名故煩使者送至懸度恐其失實見欺遣使送客者欲防護寇害也起皮山

南更不屬漢之國四五言更起不屬漢者凡四五國斥侯士百餘

人五分夜擊刀斗自守尚時為所侵盜驢畜負糧須

諸國廩食得以自贍國或貧小不能食或桀黠不肯

給擁強漢之節餒山谷之間離一二旬則人畜棄捐

曠野而不反又歷大小頭痛之山赤土身熱之陂令

人身熱無色頭痛嘔吐驢畜盡然又有三池盤石阪

道陘者尺六七寸長者經三十里臨崢嶸不測之深

行者跬步持繩索以相引二千餘里乃到懸度險阻

危阨不可勝言聖王分九州制五服務盛內不求外

今遣使者承至尊之命送蠻夷之賈勞吏士之衆涉

危難之路罷弊所恃以事無用非久長之計也於是

鳳白從欽言劉賓實利賞賜賈市其使數年而一至

自後無聞至後魏始通之都善見城至隋時謂之漕

國在葱嶺之西南隋史曰即漢時劉賓國其王姓昭武康國之

宗族勝兵萬餘人國法嚴整殺人及賊盜皆死其俗

淫祀葱嶺山有順天神者儀制極華金銀為屋以銀

為地祠前一魚脊骨其孔中通馬騎出入國王戴金

牛頭冠坐金馬座上多稻粟豆麥饒象馬犂牛金銀

鑛音鐵

始盧反

朱砂青黛安息青木等香石蜜黑

鹽阿魏沒藥白附子北去帆延七百里東去劫國六

百里南去瓜州六千六百里隋大業中遣使貢物大唐

貞觀十一年其國遣使又號蜀賓獻俱物頭花丹紫

相間其香遠聞

烏弋山離

烏弋山離漢時通焉去長安萬二千二百里不屬都

護戶口多大國也東北至都護理所六十日行東與

蜀賓北與樸桃西與犁軒條支接

犁軒即大秦也犁讀與驪同軒巨連

及行可百餘日乃到條支

魏時其國名排持

條支

條支漢時通焉去陽關二萬二千一百里在葱嶺之

西城在山之上周廻四十餘里臨西海水曲環其南

及東北三面路絕唯西北隅通陸道土地暑熱下濕

田宜稻出犛牛孔雀有大鳥如鸚人衆甚多往往

有小君長安息役屬之以為外國

安息以條支為善外國如言蕃國善

眩其草木畜產五穀果菜食飲宮室布列錢貨兵器

金珠之屬皆與蜀賓同而有排拔獅子犀牛

排拔一

似鹿長毛一角者或為天鹿兩角者或為辟拔獅子

似大虫正黃有鬚形尾端茸毛大如斗爾雅亦謂之後

貌拔音步葛反亦頰旁其錢獨文為人幕為騎馬

絕遠漢使希至自玉門陽關出南道歷鄯善而南行
烏弋山南道極矣轉北而東復馬行六十餘日至安

息後和帝永元中班超遣掾甘英使大秦抵條支臨
大海欲渡而安息西界船人謂英曰海水廣大往來
者逢善風三月乃得渡若遇惡風雨亦有三歲者英
聞而止

安息

安息國漢時通焉王理番兜城番音盤去長安萬一千

六百里在葱嶺之西大宛之西可數千里不屬都護

北與康居東與烏弋山離西與條支接土地風氣物

類人俗與烏弋別賓同亦以銀為錢文獨為王面幕

為夫人面王死輒更鑄錢有大馬大爵大爵頸長鷹身蹄似橐駝

色蒼舉頭高八九尺張翅丈餘食大麥地方數千里最大諸國地臨焉

水今謂烏河商賈車船行旁國書華旁行為書記於西

書皆橫行不直下華謂皮不柔者武帝始遣使至安息其王令騎迎

於東界木鹿城號為小安息去王都數千里行北過

數十城人戶相屬也屬連因發使隨漢使以大鳥及卵

犁韃眩入獻至後漢章帝時理和犢城遣使獻獅子

符拔符拔形似麟而無角自安息西行二千四百里

至阿蠻國從阿蠻西行二千六百里至別賓國從別

賓南行渡河又西至于羅國九百六十里安息西界

極矣自此南乘海乃通大秦其多海犀珍奇異物

至後周武帝天和二年其王理蔚搜城遣使貢獻至

隋大業五年安息國遣使朝貢隋史云即漢時安息國王姓昭

武與康國王同族都在那密水南城有五重環流水
宮殿皆為平頭王坐金駝座高七尺風俗同於康國
唯妻其姊妹及母子通相禽獸此為異也

大夏

大夏漢時通焉在大宛西南二千餘里媯水南其俗
土著有城屋與大宛同俗去漢萬二千里居漢西南
本無大君長城邑往往置小君長其兵弱畏戰善賣
市及大月氏西徙攻敗之皆臣畜共宣漢使者同受節度
大夏人多可萬餘有市販賣諸物其東南接身毒國
皆屬大月氏

大月氏

大月氏漢時通焉理蓋氏城在大宛西可二二五里
居媯水北其南則大夏西接安息四十九日行北則
康居去長安萬二千六百里不屬都護戶十萬東去
長史所居六千五百里土地氣候物類風俗錢貨與
安息同出封駝脊上高起其國本行國也隨畜移徙與匈
奴同俗控弦十餘萬故恃強輕匈奴本居燉煌祁連
間祁連在今張掖郡之西北至冒頓單于攻月氏而老上單于殺
月氏王以其頭為飲器乃遠去過大宛西擊大夏而
臣之都媯水北為王庭其餘小衆不能去者保南山
羗號小月氏於大夏分其國為五部古翕字後百
餘歲貴霜翎侯兵就却攻滅四翎侯自立為王因號

貴霜王又滅僕達剌賓悉有其國復滅天竺月氏自
此之後最為富盛至後魏代北與蠕蠕接數為所侵
遂西徙都薄羅城去弗敵沙二千一百里弗敵沙在藍氏城東
後其王寄多羅勇武遂與師越大山南侵北天竺自
乾陀羅以北五國盡役屬之國人乘四輪車或四牛
六牛八牛輓之在車大小而已後魏太武時其國人
商販到京師自云能鑄石為五色琉璃於是採礦山
中於京師鑄之既成光澤美於西方來者乃詔為行
殿容百餘人光色映澈觀者驚以為神明所作自此
琉璃遂賤人不復珍之玄中記瑪瑙出大月氏又有牛名為日及今日取其肉明日瘡愈宋廣異物志云大月氏國有牛尾重十斤割之供養壽生如故


小月氏

小月氏理富樓沙城其王本大月氏王寄多羅子也
寄多羅為蠕蠕所逐西徙後令其子守此城因號小
月氏焉在波路西南後魏史云去漢萬六千六百里先居西平張掖
之間並今郡被服頗與羌同其俗以金銀錢為貨隨畜
牧移徙亦類北狄

杜氏通典卷第一百九十二終



通身卷之三



不 許 複 製

NOT TO BE REPRODUCED

東京大学東洋文化研究所